

Bekime të Lutjes Familjare, Studimit Familjar të Shkrimeve të Shenjta dhe Mbrëmjes Familjare

Ndërkohë që ju lexoni mësimet e mëposhtme të udhëheqësve të Kishës, nënvizojini bekimet që vijnë nga lutja e përditshme familjare dhe studimi i shkrimeve të shenjta, dhe mbrëmja e përjavshme familjare.



Plaku Riçard G. Skot, i Kuorumit të Dymbëdhjetë Apostujve, dha mësim:

“Prindër, ndihmoni që t’i mbron fëmijët tuaj duke i armatosur ata në mëngjes e mbrëmje me fuqinë e lutjes familjare. . . . Mbrojini fëmijët tuaj nga ndikimet e përditshme të botës duke i fortifikuar me bekimet e fuqishme që rrjedhin nga lutja familjare. Lutja familjare duhet të jetë një përparësi e padiskutueshme në jetën tuaj të përditshme.

. . . Bëjini [shkrimet e shenjta] pjesë përbërëse të jetës suaj të përditshme. Nëse dëshironi që fëmijët tuaj t’i dallojnë dhe kuptojnë nxitjet e Shpirtit dhe të veprojnë sipas tyre, ju duhet t’i studioni shkrimet e shenjta me ta. . . . Nëpërmjet studimit të përditshëm, të vazhdueshëm të shkrimeve të shenjta, ju do të gjeni paqe në trazirën përreth jush dhe forcë për t’u bërë ballë tundimeve. Ju do të zhvilloni besim të fortë te hiri i Perëndisë dhe do të dini se, nëpërmjet Shlyerjes së Jezu Krishtit, gjithçka do të rregullohet sipas kohës së Perëndisë” (“Bëjini Ushtrimin e Besimit Përparësinë Tuaj Parësore”, *Ensign ose Liahona*, nëntor 2014, f. 93–94).



Motra Linda S. Rivs, e presidencës së përgjithshme në Shoqatën e Ndihmës, dha mësim:

“Unë duhet të dëshmoj për bekimet e studimit të përditshëm të shkrimeve të shenjta e të lutjes dhe të mbrëmjes së përjavshme familjare. Këto janë pikërisht zakone që ndihmojnë në largimin e stresit, në dhënien e drejtimit në jetën tonë dhe shtimin e mbrojtjes për shtëpitë tona” (“Mbrojtja nga Pornografia – një Shtëpi e Përqendruar te Krishti”, *Ensign ose Liahona*, maj 2014, f. 16).



Presidenti Tomas S. Monson shpalli:

“Lutja familjare është parandaluesi më i madh i mëkatit dhe, si rrjedhojë, furnizuesi më i dobishëm i gëzimit dhe lumturisë” (“Hallmarks of a Happy Home”, *Ensign*, nëntor 1988, f. 69).

Përsiatni pyetjet vijuese:

- Cilët nga këto bekime keni përjetuar në familjen tuaj ose keni parë në familje të tjera?
- Çfarë mund të bëni tani për t’i marrë më plotësisht këto bekime?